



程侍郎遺集初編卷三

戊子八月十四夜偕祁春浦中允昆明湖踏月

八月

初九日差旋復  
命仍入南書房

秋生玉宇瓊樓夜月在長楊五柞間黑處樹陰明處水  
紅皆臺影碧皆山幾年官耐侵銅斗一日春雷響獸環  
似此蕭閒仍富豔何勞清夢戀江關

春浦中允以余卜居鄰近投詩相賀卽步元韻奉

酬

東謹酬知未敢豪漸看舊繡拆波濤論文喜得元才子  
取友無如左伯桃願以清泉灌交讓何妨暖柏集寒號

用要嫌松柏寒聽逐怪來童僕皆親暱闔戶曾投一盞  
桑榆暖詩意而反之醪

春浦中允以余埽直齋奉母賦詩相賀仍疊前韻

侍學三天感二豪功名草草付雲濤先大夫在尚書房行走十餘年魚

軒會借華林馬時家慈曾到澄懷園鳩戲爭嘗御苑桃時澤甫齋屢食賜

珍重埽秋窗迎竹笑漫勞夜雨起萍號迎板輿前一風日風雨交作

前欲博慈顏醉合乞官壺九醞醪

題陶孝女刲臂療母冊應王可權學博

金翦截臂肉流血被肢體壯夫且弗勝乃出十三弱女子一嚮墮地覓不得縱思再割手無力竭誠作氣爭頃

刻氣偶一弛不自克弱女處此何從容一翦委地如殘

紅再翦入水煎芙蓉兒肉如兒心知母病所行且攻兒

肉即母肉補母痲瘡母乃充母有病兮兒有藥強飲強

食病不作吁嗟乎十三齡弱女子豈有沽名心宛轉托

彤史設思親病親吟呻孝子便欲忘其身苟有一策可

拯拯何暇計及要譽於友於其鄰訾沽名者胡不仁請

觀十三弱女子一割再割皆天真吁嗟乎一割再割皆

天真豈期名著邀

恩綸

春浦直廬後垣黃菊盛開賦詩見示即次其韻

楚楚黃香壓帽斜。鈴鈴秋影上烏紗。曾窺靖節鬢髻柳。  
菊以小而黃者為上靖節所賞即此種也五色種起于晉以後靖節所不及見不作重陽爛漫  
 霞地僻滯霜還滯雨賞稀疑草復疑花相逢欲以兼金  
 鑄特為新筍舉畫叉

扈

蹕

東陵途中口占呈同直祁春浦

又作鴟夷託屬車。滿斟醇酪腹如壺。斲窗取艸吾何拙。  
 給札成文子甚都。踏碎月華花款段。搖殘燈影錦屠蘇。  
 毛錐也具封侯相。寫到邊功膽倍麤。  
時皇上告西  
陸功於東陵

故御製詩中屢及之

雪後經冰沼上風景如畫

一白全遮一碧圓。有冰如鏡雪如氈。潛魚黑失琉璃夢。  
 遠鷺明投罨畫天。屋角火温千墜筍。塔輪風急四馳煙。  
 羸驂合稱歸籠袖。詩與寒花共壓肩。

雪中退直賦呈同直祁春浦池籬庭

敗葭髡柳覆江岸。中有老漁雪沒髻。詩心畫手競樵寫。  
 那識天上風花爛。觚稜金爵皎於月。不待東明已先日。  
 白連龍尾幾千尺。紅掩畫樓才一半。溼雲封牖虬漏澀。  
 香篆舞簷鴛瓦泮。風前烏鵲總馴狎。午後貂狐各分散。

九重疊下寬仁詔

大祀特獻精誠禱

南郊大祀之後瑞雪應時

故應呼吸動暘雨能使

人物無天殿我曹橐筆書大有日侍

玉皇青玉案微吟便注龍香劑每食恆拜醜醜灌豈無

薑芽凍十指共坐暖閣春風幔歸來策騎經太液但見

丹虹飲銀漢可憐草竹半摧抑只有青松森直榦欲謀

一醉款二客其奈驕驄不受絆便當獨對冰壺子破竈

空庖無可爨明朝且緩趁官鼓時充國子監祭酒每朔望不入直臥聽

寒雞聒枕畔

春浦和韻見示因疊答之

乘桴桴廣須至岸裁衣衣長宜蔽肝心光筆力爭一到

乃與張蔡同粲爛何人夜呼孔賓出翦刻花天繪霞旦

遂將郢雪蒼下里運筆如風燭未半鳩鵲雲從兩袖起

太液冰隨一笑泮君如蛩蛩我如蟹蹤跡年來幾合散

自慚鳴夸非國器乃使蕭艾同熏裸君適用若儉歲稷

我無成比不才殿記曾同踏洞庭雪俯視岳麓平于案

記曾黔楚兩相望有酒相餉瓜共灌我於行部訪文教

無限生徒指經幔秋來同直屬玉館舊事蒼茫付斜漢

池波汪汪憶叔度謂左田先生直氣侷侷推公榦君詩近境

益神變天馬全脫朱索絆我詩成便自焚草君審聽謂

奇音爨筆僵墨凍正惆悵又見稽灰屑天畔

倒疊雪中退直韻贈池籥庭

紅杏先生酒尊畔扼腕屢歎柯亭爨行過古滇得池子

自詡飛黃入吾絆宋芷灣先生其文詩集曰紅杏山房籥庭受知芷灣先生最深可憐

紗帳已蕪絕剩對范陽盧子幹余亦受知芷灣先生今先生已作古喧傳

詩句

御屏上金管琅琅賦銀漢用蔣防事金秋持衡出關陝爭看

英姿挾車幔籥庭典戊子科陝西鄉試拈來高第日五色鑄出椎成

劍千灌

天顏一笑賈前席復命後奉特旨入南齋蓮炬兩行蘇侍案

彩雲在牖霧全駁碧雞來儀羽不暇籥庭滇南人故用滇事與君

搖佩踏初雪正值

紫壇禮圭裸黃羊大夫有羶行使我疑慕不可散謂祁春浦

汝南月旦去人遠到來恐已硯冰泮謂許滇生時使黔回尚未到君

才能造鳳樓五我書不及袁豹半神仙官府祇文字山

水清輝改昏旦時余寓西華門外入直退直必過金鼈玉竈壺中一語便移

晷每見人間斧柯爛詩橋驢背猶憶灞冬冷兒衣總蔽

骭籥庭甫自關中歸擬攜臘粥祭詩佛莫讓閩仙踞彼

岸

總憲潘芝軒先生六十壽詩五首

昊天佑

聖清嶽瀆生偉人忠孝荷兩肩五福備一身廿五魁天  
下玉殿行麒麟四十躋尚書磊落社稷臣時退復時進  
朝野知其仁一以致堯舜一以娛老親  
出處關大節先求心所安親老胡可離

主聖胡可閒養志能延齡親壽如南山退補進乃忠正  
色臨朝端曾閱日益少公爲人所難稷禹卽曾閱易地  
則皆然

孝養有畢日

君恩浩無涯里居十數年心耳通民嗟讀書益精貫灼

見正與邪培善培其根遏惡遏其芽領袖獬豸羣開口

吐天葩揖讓赴容臺風度何輝華 時攝大宗伯

黜然一古鏡照見垣一方瑟兮一大圭人神肅相望渾

穆已難跋况乃智且明輔翼持大端論思握宏綱北面

萬弟子欲窺不可詳南斗聲環環太湖曉蒼蒼

三朝數耆舊四海疑公年公年甫六十人望如古賢不

以黑頭相易我萊衣鮮故能葆其真學養通性天富貴

身外物要以謀謨先槐鼎在指顧竹帛方爛然祝公劭

明德懿戒歌賓筵

己丑初春赴澂懷直廬步祁春浦韻

曾記聯吟秉燭遊靈光舊跡杳難求感君才氣追黃鶴

謂左田先生令我低徊到爽鳩起草猶留當日石用薛元超事以先大

夫曾直激懷園近光樓也踏冰重上夕陽樓是日與同直壯夫有志

非詞賦莫惜江花不忍投時春浦以經義治事自任

### 述夢一首用前韻

大鵬希有兩遨遊豈料莊生見彈求城郭都猜華表鶴

兒童爭唱白苻鳩春聲寂寞雙柑酒海氣彌漫五色樓

卻歎匆匆老夸父遺筇不作鄧林投

### 許溟生次春浦韻見示因步韻答之

憶昔拏舟明聖遊一天風月萬金求尋花不避雲中犬

側笠都成雨後鳩宦海東西同泛梗人生憂樂在登樓

時溟生住近光樓與君昆季相交處膠漆之堅一再投

### 上元後二日大雪次春浦同直韻

是誰乘夜襲昆侖素甲如荼萬帳屯鶴羽久留渾不辨

馬蹄才過已無痕割鮮我輩尊方滿待爨何人釜未溫

卻喜土膏能酥起東風一為拔陳根

### 復疊前韻答春浦

瀰漫柏節與松根綿纈羅羅了不溫祇恐乾坤填欲窄

卻教厓岸失其痕春衣花集初成賦用謝莊事貂帽人歸久

撤屯用王全斌事是日楊果勇侯入覲好向高樓縱文酒當筵笑墮玉



昆侖

是日同直四人  
在近光樓小飲

滇生侍講用東坡聚星堂韻賦雪見示因次奉酬  
疾風七日走雲葉吹到天山萬重雪欲填江海作平地  
豈料橫空鳥道絕小垣積覆何足數老柏堅松亦三折  
模糊那許稜角露方便遂教鐙燼滅居人閉戶尙噤瘁  
行者天涯正提挈茫茫關塞胡可度一夜冰松錮眼纈  
時親串有遠  
適者故云都無貂錦易麥飯空把寒氊齧成屑願乞  
羲和放日萼化此沈陰只一瞥誰家操篲茗方煮有客  
對酒餅重說羨君吟罷復登眺凍後毛錐勁于鋏

○題郎海西畫馬

吾聞天馬不受絆誰歟操此青絲韁拂耳頓足三萬里  
草頭一點西風長絕其芻豆儻能走世豈復有參龍手  
玉鑲金鍍朱排沫一戰功成骨先朽伯樂不及支公癖  
放與逍遙嗽春碧汗血全乾四蹄重不使銀鞍覆虎脊  
得無更駕更齧膝致令畫者三擲筆畫者乃今曹將軍  
能通馬語取馬神飄飄尾鬣堆若雲蓄怒未許奚官馴  
猛士掣之力不均祇恐繩絕飛且奔海西所畫已難得  
何況騏驎出西極君不見騏驎出西極又言在德不在  
力

穆案此後數年侍郎奉  
母夫人諱在籍無詩

道光辛卯年十月三日自秣陵買舟北上王益之

將軍餞於石城門外時梅伯言郎中汪鄴樓上舍

許澹居鍊師適相送將軍邀共談讌賦此寄益之

將軍兼柬伯言鄴樓澹居

石城雨晝寒煙昏壯士十人舁大樽綠幘傳鞞羅炙燔

將軍華服來軒軒我時艇繫青松根三客送我紛勸飧

我隨將軍駕短轅三客先入纏裘門郎中的是都官孫

羽客乃稱赤斧尊汪倫話別殊消魂黃馬之辨炙輶髡

有詩都向將軍論斟雉在俎芼以蘩釀榼在醞盛於盆

詼調醉呼墮崑崙三客俱醺一客健時伯言病新愈盡戒不飲獨食粥

攪離思歸虛渾憶曾高宴謝傅墩將軍指聽青溪喧謂

與詩夢相吐吞我道卽是南塘園牛山寺卽謝公墩青溪一曲經此寺久蕪

將軍兩世葺而新將軍一歎驪歌敦三客握手相觀覲我乃浩吁白其原

昔也三釜逮親存負米則勞意則溫今也南望徒煩冤

有草莫報春暉恩縱然天衢許小騫湛露難甦襟背萱

况乃不材嗟液滿羣友際此當贈言無使數數不憚煩

用王良傳語棹逶迤兮統續緡欲去不去雲水奔何年再賦

角弓反記否白門烏榜村盛哉此會其毋諼

阻風幕府山下步楊子堅韻

憶昔石城艇子窮清遊。筍將直指白鷺洲。王郎放歌邀我飲。醇酒夢醒乃在江聲帆影之高樓。王郎謂竹嶼都轉夏漲入戶雲浮浮。酒人畔散如風鷗。邇來輒道石城外。新寒噤啐侵我木棉裘。打頭風裏人言愁。攝山之行勞夢秋。祇恐蘚蒼石古經。雨滑况復三神離。合波悠悠楊風作。詩散百憂吐。屬高雋。神明適金焦。一瞥便分袂。劃江不許幽人留。何如高唵米船且沿流。

雨盛不果遊燕子磯次楊子堅韻

江干青楓化為霞。秋水以外皆春花。中有一磯挂林杪。道是銀漢飛來槎。撐突萬古礙星月。嘯呼六代爭龍蛇。

峭壁垂雲幻錦繡。叢檣似戟紛杈枒。搖搖幢風佛倚閣。渺渺廬雪鴻為家。昔遊正值夏綠裏。時有好鳥銜餘葩。今偕詩仙蠟雙屐。謂子堅先喚漁父同杖拏。誰知冷雨鎖荒寂。三日都打迴風搗。涎涎燕尾不可見。攝山一角沈天涯。詩仙不到山不綠。得無象車不受誇。君乎琢句苔石破。我亦題竹風鴉斜。

新開河道中即事示子堅

江擁頽沙沒舊蹊。風排積潦破芳畦。今秋蟹稻幾無種。來歲蠶麤不可齊。敗柳人支殘瓦爨。荒蘆鬼守亂棺啼。沈陰愁殺天邊雪。眼見單衣化井泥。

貂裘歎寄謝戴子宜郎中

貂裘遺自先大夫。先朝雨露膏且濡。問年兩倍晏子  
狐。似貉非貉烏不烏。然猶屢抗風霜麤。皮之不存毛附  
乎。我亦簪筆。彤廷趨。疊拜宮錦紅流蘇。帝念近臣  
昔無襦。特賜豐貂殊麗都。歸喚細君莫辟纊。裁以金  
翦量以扶。亡何細君病且枯。無資可買南歸艫。乃懸其  
裘善價沽。有客斗角黃金麩。急送妻櫓返舊墟。譬以此  
裘裹伊軀。伊念我寒夜或呼。我罔聞知淚映臚。後奉  
簡命涉雲湖。有友復贈貂襜褕。三拖受服古所吁。三反  
不受留其壺。仍然一鞞混虎踰。顛倒紫鳳拆海圖。後又

拜 恩賜諸子。謹獻北堂暄粟膚。連年衰素衣。敗絮鷓  
鷃典盡蒙茸無。一昨渡江將北驅。道逢心交憫我瘡。解  
衣衣我珍裘。幬外文內勁毛豐腴。慶雲彪炳晴虹紆。曾  
與上公龍卷俱。再拜三歎感黃墟。必值盛誼乃曳婁馬  
卿詫好王恭。盱上朝玉皇翔天衢。下貫美酒亦時須。因  
思得裘何其劬。十年一鷓未溼味。從今雪花不上鬚。都  
道握懷辟寒珠。遺簪墮履志莫渝。緼袍猶是當年吾。

雨盛不果遊攝山答楊子堅

有約不遊棲霞山。有酒不酌明僧宅。濫巾草堂已二稔  
遍踏東阡與西陌。如何不登最高頂。一眺萬里江天碧。

山中幽客屢招我我欲被褐振金策忽阻夏潦莽無路  
遂令哀鴻滿其澤啼饑聲苦佛嗚咽洗盃人多鳥狼藉  
祇今黃霧鬱如夢疑有嗷嗷首陽魄大風吹帆不得泊  
珠浪拍天才一白神仙樓閣鎖雲表紅葉徧山無鶴跡  
曲碕小港涓涓去但見扁舟盪詩伯時子堅先泊棲霞港相候何妨  
他日看不足已覺此行殊可惜不圖鄭監流民狀乃著  
靈運登山屐

邗溝舟次寄別葆逸舟觀察

觀察古君子方寸特仁厚世變能洞悉否臧不挂口敬  
慎了公事瀟灑對心友既戀山水際復愛文字酒托身

雖朱門不貴印如斗襟抱似秋月以虛受萬有款款朱  
絲琴豈落第二手

于我有夙契示我出肺肝知我至委曲爲我謀艱難我  
劣聞道晚君以國士看深信遂移性投藥亦獲安月飲  
更詩飲絮語到夜闌忽然几席近忽然海天寬三日不  
相見輒覺思覃覃卽今遠別離爭禁淚闌干

寒月照舵尾江水日夜風驚起雁失羣擾擾蘆之叢有  
客正懷舊不昧聞霜鐘歷歷遊宴跡沈沈白雲封何年  
更何地嘉樹吟角弓獨有五君詠依然圖畫中

謂五客小集圖

寄別林方伯少穆

方伯揀荒富奇策至今吳下稱仁賢嘉聲隆隆徹  
天聽凡有艱鉅君其先斗維四郡水湧潰江寧鎮江百揚州淮安  
餘年來無此愆

帝咨寶臣汝速往君乃猛駕金河船君自河南方伯調江寧方伯乘黃河

船駕麥豆並瀛眷同下連檣麥豆載俱下秋汛方穀強弓弦彥道

倘伴咏米舩梅妻慷慨輕濤淵雲鴻有信萬民喜窮鳥

待哺千吭延入境遑遑不暖席料民審戶籌金錢手書

疏草達

當宁

絲言獎詡臚句傳江南粗定撫江北江北謂揚淮兩郡直躋東

海尋桑田一夫失所

聖懷歎千里如見臣心過詩書愈飽才愈壯千辟萬灌

成龍泉泣官行法用剛斷徇知恤舊仍纏綿每當案牘

堆筍束輒展書畫羅青氈謂以古香散壅滯神明濯後

亭亭蓮况復腕藏右軍鬼定招判乞張公顛我渴憶君

君憶我十年不見殊欣然鏡中鬚鬢各蒼艾酒畔談議

猶清圓十年隔面會不十我其慢懶君胼胝即從京口

赴末口備聞竹馬迎旬宣君來弭節慰窮餓全活奚止

恆沙千我別君後君不日亦赴揚淮一帶辦災盛名遷地定一轍好事入

手求萬全我材瓠落不適用三食奇字何能仙况今乍

失慈母教。瞿瞿以後茫茫前。生逢

堯舜不敢退。欲以孤介行其顛。箴砭吾過賴良友。自顧

不見伊可憐。贈行已貸監河粟。結意復授明珠篇。山水

清遠難為別。且未暘開文酒筵。它時神馬儻相值。一笑

先拍洪厓肩。記取石城兩槳去。小春踈雨芙蓉天。

題林暘谷年丈餉鶴圖遺照

眸子激明骨相清。綺年文筆早知名。六經貫弗尤耽易

先生尤邃易理繪取中孚子和聲。

海山清水自生肥。養得車輪玉雪衣。天下共知鴻鵠舉

謂少穆中丞夢中親見鳳皇飛。中丞名號與孝穆有關係

仙糧分罷劇蕭閒。看竹尋梅偶啟關。但看南飛不西笑

九重拈出六朝山。方中丞陳臬陝西時太翁不就養後乃蒙聖恩曲體升任江寧方伯以

便板輿之奉太翁欣然就之

八十矍翁尚苦吟。雲車霓旆印仙心。人間欲識林君復

合向江郎石畔尋。太翁望江郎石詩云霓旆兮雲車仙之人招余竟絕筆于此

菽水長留勝鼎鐘。翁句枯魚銜索感無窮。十年一樣孤

兒淚付與蘇耽叫。朔風澤與中丞先後銜。卹今皆鮮民傷哉

高郵湖卽事

巖社湖中弄明月。一彈指頃廿餘秋。憶廿年前曾以扁舟過此湖大

珠已別孫莘老。小令空懷秦少游。紅葉打頭何處樹。白

鷗飛盡一扁舟而今重憶任公釣知有潛蛟伏巨湫

撞破仙人碧玉壺顛風一嘯萬家無本年六月中馬棚灣決口數十丈

難將剩粟償饑雀賴有長菱採餓夫時與工人夥以工代振東海

波臣真蹇蹇西山精衛亦劬劬兩番毀擣春容過始信

回天

聖德懽今年春夏兩次洪河異漲水高一丈九尺餘高堰幾決幸西風每發不過半刻非聖德帡幪

何能神異若是

題張芥航河帥願遊第五圖 天台觀瀑

吾聞治河青玉書藏在珙岑珠岫雲煙間神禹拜後蒼  
夸還會稽宛委秘已出左顧尚有天台山梯巖援葛欲

到不得到但見飛流千丈倒挂銀河灣劉阮姁姁兒女

顏那識雲華妙用芙蓉冠雲華夫人延州大帥負俊氣

丹壺熟讀疑叢殘心知碧林玉闕有緘蘊足跡不履神

其慳願遊十圖浙得三雲將拊髀雀躍終盤桓天姥之

夢已飛度少文有畫先臥看吁嗟乎少文有畫先臥看

我亦傾倒興公一賦標霞丹

題張芥航河帥願遊第十圖 輞川倚杖

右丞畫筆照千古以畫點綴成園林况當山水清妙處

一鳥一松皆解音功成身退儻得此綠野平泉皆下矣

誰歟寄托出深意關西詞伯張夫子萬福威名草木知



王尊大勇東南毗苦心久夢繡衣使赤手能縛巫支祁  
天顏左顧見砥柱不到三槐不能去久旅忘家禹所  
歎見响那得蕭閒咏芳樹矧今蕪絕藍田莊無地可起  
樓與堂問君倚杖定何處門前春水桃花黃

邳州道中

十六年來此重過石梁全圯水增波樹如客鬢凋踈早  
路似人心坎廩多但使耕桑歡畎畝不勞詞賦動關河  
行蹤已踏天涯半豈料羸驂困碾窩

差馬行

王營雇車客欲擇馬牙僧輒以肥應三里涉鹽

河車以舟馬則泅僧以瘦馬泅而過肥則匿之  
主僕皆不知即駕以行

書生苦路長差馬願馬良牙僧牽來果肥俊四蹄踏鐵  
耳削刃以車伾伾猛且迅馬鳴蕭蕭五鼓渡頭載車以  
舟解驂而泅隔岸見馬影匆匆駕車走昨日馬如龍今  
日馬如狗主僕懵然皆不知但覺馬鈍鞭絲遲今日牡  
而黃昨日牝而驪吁嗟乎孫陽相術流弊抑至此驂駟  
甘受皮相死

魚山三絕句

神弦各奏豔歌長佳傳猶留鐵研香西晉才人多似鯽

不知何事悅絃郎  
東潰金隄患最深  
武皇英異亦驚心  
此山平後功難已  
惆悵秋風直到今

過腰站有感

廿年清議一身持  
四海賢才到耳知  
叔子去人真遠甚  
房公食鮓最凄其  
爍金安用羣兒謗  
投杼終教阿母疑  
識到白雞諸事了  
有誰箏響激桓伊

富莊驛盜警

交河有驛名富莊  
市廛闐咽衢術長  
使臣輶車旅羸綱  
風宵雨晝行洋洋  
客舍十漿饋五漿  
竹肉靡聲燈燭光

犬吠不驚雞不荒  
行者指稱安樂鄉  
不知誰何齎盜糧  
盜匿其室登其牀  
夜出剽剽刀如霜  
十十五五手戟槍  
捷若飛鳥來屋梁  
束縛壯健揮羸佺  
恣斂金帛肘篋囊  
開門大笑各詡強  
才隳西鄰又東廂  
旅人駭鋒跪獻裘  
居人糾徒相守望  
我夢驚覺心傍徨  
但聞火器雷砰礮  
都知錄事紛踞牆  
各握利刃聲高揚  
儼如登陣爭堵防  
盜殊閒暇行翺鴉  
投閒抵隙仍相嘗  
倡盜東矣西攘攘  
倡盜西矣東皇皇  
人聲稍微盜語唐  
盜何悍勇人何怵  
孰主宰是使猖狂  
我求其故不可詳  
牛缺大儒且被戕  
王鐸盡室皆喪亡  
吁可畏哉遇迷陽  
迷陽幸勿傷吾行

况當世平年豐穰，青天白日鼠跳踉，錦衾肉食狸奴藏，是誰之咎當評量。

憶昔

憶昔最高樓，温簾夜上鈎，清談數鄙桂，佳句門應劉，老

父歸何遽，羣賢歎不休，惟餘起草石，常共綠苔留。乾隆朝

先君直尙書房，寓近光樓乙卯之冬，先君視學山左，隨即歸道山，同直羣賢歎息不已。

憶昔樂泉西，高荷拂馬蹄，板輿花底卸，紗幔水邊齊。

賜果親先拜，分甘幼共攜，那堪春夜月，來聽哺烏啼。道光

戊子之秋，澤奉命重直南齋，寓樂泉西，舫時先慈尙健，就養來園，輒令思之，如同隔世。

憶昔老涪翁，詩壇表大風，人如秋水白，天與夕陽紅，自

詡千言得，何曾五技窮，靈光吾亦仰，絲竹擁江東。憶左田師

憶昔墨痕蒼，雲崖十載強，新詩闕鄒魯，古賦動侯王，桃

實成三竊，梅花醉幾場，不龜如可錄，願獻百金方。澤自癸未

春與祁春浦庶子同直澄懷園賦詩至多時，左田師常和之又元夕，賜觀鐙，命作賦，澤以古賦獻，時賢稱之，計戊子之秋壬辰之春，凡三直澄懷矣。

吾同年友沈栗仲，取炎陵旁梓為琴，以予好談琴

理，以為雅似，因舉一贈焉，予學之三月，不成聲

將輟，乃漫謂栗仲曰：琴理予已得，雖不能操，縵

何傷，栗仲曰：凡精微必始于器，數今舍器數究

精微，譬若舍實踐談性命禪門，所競儒門所呵

也曷囊琴以待知者我籥庭先生能彈而無琴  
我蓄琴而不能彈因舉以轉贈以還栗仲之約  
于其行以詩媵之

炎陵之梓西泠弦其聲來自秋雲顛秋月泊水水泊天  
十指以外皆流泉沈侯鼓琴得琴理不在弦聲不在指  
夜深危坐盡一卷其味醴醴與琴似無成與虧彈不成  
我欲虛盜淵明聲沈侯輕笑姑舍是不入器數焉識器  
數精大弦琅琅老鶴鳴細弦啞啞雛鶴清似斷似續似  
欲罷不得罷魂夢已壓江潮行此時無聲有太息天外  
鳳皇當戶立香鑪茗椀俱靜好翠竹紅梅各顏色我友

能彈不輕彈神理悉與琴相關太虛惟漠惟澹泊下視  
人世殊鹹酸手脩太平潤鴻業只在 殿角薰風閒快  
雪封條拭琴漆送琴出門杲杲日思君重話寥天一

醜女

井里有醜女七竅俱不正工藏自塞兌媒妁不許偵日  
行蒙羈離夜坐背燈檠賦命不窮薄遂得兼金聘其智  
昏菽麥焉能庇家政萬人所吐弃野宿不失行以茲結  
歡心謂秉貞介性狎習日既久不以貌爲病寸良未盡  
昧自照怒擲鏡如何天壤間容有面首倩寧使血嗣絕  
不令姬媵并睽睽十目視一手眼弗竟但解判黑白難

免動嘲評旦夕歡意改姚冶門華盛百惡盡顯暴厭斥  
等梟獍長歎愧其侶投身入深窞

果子狸謝祝蘅畦同年

百果精華化玉膚千狐文采作襜褕深憐諸葛蔑鈎絡  
堪歎張蒼肥瓠壺瓦甌松薪差免俗牛刀龜手故嫌麤  
昨宵夢到秋山裏梨栗成行兩兩呼

初春澄懷園酬春浦兄見東元韻

眼昏按字隔甚霧丹黃一錯六州鑄時有凍雀覘新戶  
側聞尊師此小住百年慨人十年樹聞松亭師在此小  
住師前在上書房  
而澤所居為朱松亭師春浦兄  
皆舊遊激懷者請君低徊循故步牆頭  
文正藤花老屋

過酒我來顧何日了此蟲魚注

春浦復倒疊前韻見東又和

君才洋洋海東注猶復戀此蟾諸顧我憐捷逕徒窘步  
夢裏梅花三百樹兩番結鄰桑下住夜看星辰共開戶  
有鏡須向江心鑄照徹寒天十重霧

春浦三疊前韻見東又和

殿前走馬拂花霧人道子昂無可鑄獨抱明月掩朱戶  
便欲回山作長住誰知上林借一樹天路漫漫此鷓步  
君到要津莫回顧洞酌忠信須挹注

春浦四疊前韻見東又和

此間大隱如隱霧奚必躍冶求金鑄奇卉映圖書當戶  
君心妙靈無所住翳然文鳳集温樹新詩捷敏止五步  
入門大笑君來顧招我駐聽糟牀注

君飲酒温克  
喜招人嘗醞

挈眷定居藤花老屋

銀河左界雙栖處三面波光帶茂林馴鹿過山知草馥  
流鶯啼雨覺花深暑天破睡卿能繪遠道衝泥我獨吟  
記取歸來柏冬日枳籬藤蔓總成陰

和祁春浦兄望雨詩韻

膠水萍殊澀穿衣絮尙狂雷爲風奪響雨讓露專涼但  
曝竿頭麥須春石上梁南天尤待澤收涕攝羸尪

未到呼號際先祈黑蜮禱農情隨地改聖敬有天

知卜坎將盈缶占雲已蔭著應成洗兵兆早晚待紅旗

奉賀春浦五兄由右庶子擢翰林學士

虞戈流電笑柳筆動天心豈但飛騰速方期契合深  
清神兼卓識密緒發高吟話到經綸際遺編耿獨尋  
主聖酬知易親嚴養志難趨公無過舉退食有餘歡永  
日君羹美晴空鳳羽寬惟憐老禿筆偏戴遠遊冠

答叔穎兄謝石首魚詩意卽用原韻

江鄉曾小住風味逼春來尺鮐騰浮玉珍鮭聚大雷白  
傾鮫客淚紅奪美人腮石首持相比翻成螾螿才

祁母家  
歲小過  
極長  
晚

此品津門貴家家。倒酒罌須知吳國。鯨能勝陸源。鯖白石何妨。煮青菘可佐烹。未招鄰父飲。聊獻小人羹。

偶成

百鳩齊喚雨。一鵲獨呼潮。天意殊無定。雲心未可彈。柳柔風抑抑。荷正露團團。敗我觀魚興。危磯倚釣竿。

古意

霧松復霧松。農人覆餗甕。木稼復木稼。達官聞之怕。達官畏死畏失職。求爲農夫不可得。農夫歲歲求豐年。達官夜夜求神僊。

西鄰東邗春浦

三日琢出琉璃天。導我遊者水鳥先。詩廊步詩倚一椽。

夕照送到西鄰煙。

先生我西鄰也

與君卜鄰凡兩遷。水容山態

都依然。只有霜雪侵吾顛。登臨惆悵私自憐。梅李桃杏年復年。身非金石何能堅。但思善閉遺鈎鍵。肯以豨膏運方穿。昔也往蹇今來連。東風畫空晴日妍。寶釵樓上通侯眼。何如吾儕岸牽船。面面見水窗窗圓。與君夏約寄浦蓮。恐君仗節帷則褰。獨我守此鯢桓淵。看取魚戲青田田。君詩三復馨若荃。華不繁縟巧不僂。郊居一賦君其傳。

過連口

犬性不吠日，嗾者職其咎。屢奪犬食食，犬急乃狂吼。訐告及誘民，憑仗吏爲剖。右民而左犬，犬怒積益厚。食飲不外索，刀劍恆在手。惟鹽惟硝磺，非儲不能有。聞已數年辦，欲備一旦蹂。胡爲典牧者，蒙耳且杜口。威信在平日，不在臨事時。機宜在頃刻，不在眾寡爲。始雖墜咸池，終能奮澠淄。或冀寬大恩，不責遷延師。獠性慣仇殺，必有人與里。其人旣可竄，其里亦可徙。人里俱不見，仇殺奚自起。通言必間諜，間諜卽姦宄。果肯爲我用，虛實易知彼。宜戰或宜撫，此間有妙理。自古失機事，孟進與畏蒞。

陽明平泖頭，計禽池仲容。及受桶岡降，幾敗瑣匙籠。神威攝其膽，行兵疾于風。向欲逞詐力，萬死希一功。使不謀畧周，反被蝨賊虹。所以斬諸生，大藤推韓雍。

有感

美人一笑千花紅，眼波流入人影中。人人衣上生春風，夫君畏我錦繡叢。噓呵聲咳都避儂，恐一彈指傷芙蓉。誰知此志能當熊，昨日上堦翬帶結。今日登樓鳳釵折，何日相逢訴嗚咽。

雪宴西北樓 酬祁春浦吳淪齋兩同直

雪宴西北樓，春色來大荒。是日將軍歸，說劍飛星芒。彈



指四年餘、鴻濛別雲將、今日喜搏沙、苦祝無分張、西屋  
臥士龍、東家接王陽、咫尺地迷界、鬪鬪天際祥、瑤岫排  
玉林、銀漢連紅牆、賦餅招詩豪、脫裘酬酒狂、旣呼祁孔  
賓、復憶斛律光、吳子闐然至、談笑同藜牀、畫出澁懷圖、  
何如負氏莊、

吳仲容選詩圖

吳君行政若琢句、果力精心不旁驚、吳君選句若選才、  
廣甄約取能別裁、翰林主人賢太守、永叔荷花柳州柳、  
九重溫語慰循良、萬室弦歌動星斗、簿書如山磨不  
磷、玉壺秋水凝吾神、三生結習愛佳什、批風判月書白

雲書堂夜靜、高呼嘯、都是越儂莊、烏調一家、選手續丹  
黃、十萬詩魂向君笑、人誇浙派君不磨、人訾浙派君不  
憑、破除門戶還風雅、知君是有心秤者、

春圃五兄以鷺脂見噉先有詩來此荅原韻

羽毛脫盡空留翠、何處書生可寄籠、黑白我無苻朗辨、  
咨嗟君有右軍風、聽經聲寂曹騰睡、卻月胷垂自在豐、  
如此肴烝良不惡、於陵絕倒出哇翁、

大隄

大隄坦且夸、絲楊翼成帷、前有蒲輪車、後有黃金羈、花  
天逐隊行、夜月無聲馳、問誰實築此、前人好爲之、連朝

剝猛雨積潦東西岐淺者生白窠深者化污池問誰實  
修此袖手無人尸吾恐弃弗顧遂壞不可支苟有荷畝  
者當往助其疲

澮水放舟六十里至濠港作

夏潦潼激涂軌壞板橋映空去如芥騰波欲躍馬足汰  
亭長搖手館人戒曷不乘舸下澎湃惟子素慕五色澮  
一棹闌入琉璃界水荳風裏白鷗外飛墮遙天一峯騰  
愁霖廿日宇宙晦安得殷紅夕陽曬可憐篙底豆田大  
白梁雖成未卽艾去年水厄感凋瘵冀今秋熟乃償貸  
旅人三祝水速退誰知鬱雲漸破碎烏有晴聲松有籟

卻歎湖船卑且隘人坐匱底仰啟蓋良朋促膝話儕輩  
喜其遲放惜其快忽聞騶從聒叢薈昇者紛紛促行旆  
回顧帆影失前瀨拋簸又走泥塗內

傾城

傾城一笑玉無瑕慣作新妝惱孟家纏帛纖纖輕采鳳  
翹鬢楚楚幻靈蛇但教翡翠娛蘭畹莫使蟾蜍蝕桂華  
一樣笙歌明月夜南樓蕭寂北樓譁

廬州吟

廬州淮以南第二重鎮也其地博大爽塏有山  
不當孔道有湖越在偏隅是人事必爭之地而

非天險不可度之地。自來兵家談阨塞。往往以  
廬爲天險。非未曾目驗。卽相承剿說耳。作此正  
之。

有山不當孔道。阨有水越在東南隅。北來不及濠若壽。  
南走僅恃桐與舒。頻嗟千騎飛入境。復恐萬艘直擣湖。  
自是戰地非守地。以戰則克守則愚。

壬辰五月十七日

臣

恩澤典試廣東時方需次未

與考差出自

特恩感而成賦

方慙東郭未吹竽。誰料商邱竟索珠。一釣六鰲憐力薄。  
十年二賦果心餒。山中玉棄諸生泣。爨下桐焦 聖主  
吁。試讀遺賢 新詔語。吾儕何以荅唐虞。

易京懷古

京憑如礪築崔巍。女使傳宣鐵戶開。忽見梯衝天上舞。  
不知樓櫓地中灰。謀身那及田疇固。剗險須教石虎來。  
旣讀兵書還避世。癡兒徒抱自焚材。

易水懷古

有勇不能神，擊刺非所詳。吾恐魯句踐，不過秦武陽。既稟神勇資，擊刺必其善。吾恐百鹿盧，不敵一句踐。藥囊提匕首，一足廢鹿盧。誰謂老荆卿，翻困夏無且。將軍已冤死，督亢安可復。何如高漸離，從容一錫筑。

苦旱

三月京畿一雨艱，陂塘成涸井泉乾。庵風卓午蒸炊熱，重露深宵噤啞寒。海畔乖龍呼不起，潢中女魃怒相干。祇今處處皆祈禱，活我官羊不忍餐。  
京南一帶亦旱，因屬地方官斷屠使

者亦斥絕肉食矣

河間道中

杜癖與和癖，於人了不同。賢王聚書富，姪女數錢工。靜日管弦語，寒宵剽掠風。我曾逢盜跡，幾為舊羶窮。  
去冬富莊

驛盜警通夕不寐

素食

家貧不能辦素食，食鮭乃有二十七。爛蒸鷺鴨是瓠壺，拆煮牀簀為花豬。生耳唐園負此腹，每喚周妻罷何肉。況當炎暑騰騰蠅蝻集，縱有侯鯖亦當覆。畿甸以南數百里，土渴風乾井無水。已聞解禱動閭閻，應使腥臊斷刀几。吁嗟乎，使者既無段公術，又無束生香。坐致甘澍

此原字三字也

隨車箱，乃率徒眾飽此大官羊。方丈一箸干陰陽，何如飲水作齋保。吾素自啓筠籠放雙兔。

東阿道中

陶邱荷澤都無涕，賸有安山一道清。七十二泉連鈞突，伏流何處不分明。

舊縣

穀城古且秀，面面好山遮。立土墉千雉，清陰蓋九葩。車行深巷觸馬踏，亂流斜猶說檀公壘。虛糧斛萬沙。

阿膠

沛南名士水，天外鳳皇膠。古有生金用，今為敗鼓洿。傾

囊殊黯黹，款戶故喧嚶。安得書三券，來占鼎六爻。

東平州

節度天平古鄆州，中都亢父望中收。西馳宋汴無關隘，南下淮徐等置郵。蠶尾山前雲似夢，虎頭崖畔雨成秋。

我來一洗呼號耳，入山東界鬱鬱長祠已没牛。

汶上道中

俯入一村綠，倒涵雙沼清。燕披松雨屑，鷺助葦風聲。瑩石新場圃，豐碑古姓名。遙憐牽挽處，五復正縱橫。開河水少

牽挽不易

途中有以姓名不見，朝籍為問者，作此解嘲。

露坐占星客有疑。異哉象罔竟何之。百官表上公亡是。八月槎頭某在斯。敢署玉皇香案吏。應吟賈客木棉詩。豈知僕僕羣僚底。寒暑都無休沐時。

魯道

嶽雲樓畔館花妍。說水橋邊墨刻鮮。胡祿獻漿才一面。林宗埽地又經年。昨冬過此綠陰深巷童爭果。夕照高原馬急泉。猶憶計偕奔走日。柴車茅舍雨如烟。

彭城

山環如玦水如弛。繫馬臺邊儼望思。孝伯語言張暢荅。佛狸風采寄奴窺。江淮遠帶真屏幃。楚漢交爭古奕棋。

不道昇平全盛日。隄防黃汎抵雄師。

從來治劇用蒲鞭。坐使清風滿市廛。捍水大蘇通上策。馴兵敬德握雄權。卽今城角交流處。終古樓頭兩賦懸。我欲輕舟看飛沫。了無忠信涉濤淵。謂呂梁洪

宿褚莊作 宿州所轄驛

辛巳五月杪。奉命使西蜀。初握衡校枋。且喜且畏縮。退食告慈母。慈母歡意足。屈指不十日。便欲膏棘軸。呼兒整書筴。飭婦理箱籠。婦亦粲啟齒。扶病爲檢束。強起頭涔涔。弁行足踳踳。俯歎病漸深。仰歎我行速。血敗內風發。歐噦幾絕粟。帶孔日以減。消到臂上肉。我時迫事

冗于緒擾心曲，偷暇議方藥。醫屢已滿屋，真元浸虧損。  
淺芟豈能復，母亦知疾革。私冀鬼神福，對母我伴笑。背  
母我潛哭，茹苦二十載。痾痛相育鞠，一旦小騰翥。棄之  
若轉轂，卿患自易瘉。我訣胡太酷，卿言初奉使，無令簡  
書促我病，儻不起。來世再相逐，卻嗟堂上母，何以慰幽  
獨。怪哉造化弄，病者漸清淑。神斂形復振，食飲能到腹。  
其日六月八，車脂馬翹陸。其時雨如注，病者卧甚熟。三  
喚不一應，一別兩黃鵠。閱十有七日，我出井陘谷。夜夢  
尪羸妻，握手話顰蹙。似屬慈母老，鸞膠必當續。我覺淚  
霑臆，卿豈返仙錄。誰料卽諱日，從此奠羹粥。彈指十二

載封軺，又南服。六月十七日，我在褚莊宿，振觸昔年事。  
淚若雨瀉，作人生情難割。死與別相屬，忍死不惜別。其  
意殊慘毒，死究不可忍。別亦莽難錄，年來心力憊，實爲  
感風木。老母健存日，事事可欣祝。今母棄兒去，如夜失  
其燭，不敢負所學。焉敢覆公餗，上思酬 聖恩。下欲被  
邦族，尤當薦賢哲。以備荒歲穀，區區兒女懷。擾擾風中  
燾，用韓句曉月吠村犬。暑僽舞檐蝠，僕夫起芻秣。明日又  
山麓。

愁澇

去歲滄瘼猶未復，今年稽事可憐生。眼看嘉穀高低熟，

種竹真遺集卷三  
心折愁霖日夜傾，三伏赫曦蛙叫斷。一天秋思鴉啼成，不應空際江河注。似有蛟龍鬱怒聲。

旅困

泥行無輻水無舟，一任肩輿莽泳沔。欲逐東游雲將速，翻成西域賈胡留。公程刻日奚能緩，凍雨懸河且未休。最是漏痕催客起，三更不鞵卷衾裯。

旅愁

僇民昔行役，慈母虔祝天。飄風暴雨會，有時無使子季逢。其適母祝甫出口，兒千里外身安便。兒今行役無母祝，舟困於水車困陸。困極呼母母不復，深恐迷陽刺吾足。吁嗟乎，豈無妻孥祝紛紛，不如吾母一語神。

渡淮卽事

汝潁沙渦競短長，還收睢澮五文章。遂磨洪澤而東鏡，似築深江以外牆。天際數峯眉嫵翠，中流一畫墨痕蒼。卽看歌舞雄都會，何處風雲古戰場。

臨淮曉發

糝地輕黃沙似雪，蔽天濃綠柳如帷。畫橋東岸空明水，多少英雄照鬢絲。

途中有懷邢氏園寄醴泉竹心兩上舍

表裏皆秋水，廊西復榭東。竹間燈火碧，花外月輪紅。枕



簞通魚夢，茶瓜付柳風。尤憐老昆仲，清絕讀書窮。

愛畫迂尤妙，能詩麗乃才。三秋率爾會，二仲闖然來。謂

惺垣楊眺遠連籜做，談幽密室開。時聞笙鶴響，西畔即

蓬萊。西畔即朝天宮

十圍秋影窄，水一院古香多。老人語穿楊柳樓陰壓芟

荷，塗雅翻賸墨。繡佛卷輕羅，子常作書最愛新黃月。全

家俯夕波。

文謙推前輩，華堂雪爪痕。好花圍竹肉，嘉樹覆兒孫。媿

我依鴻廡，子去此園時榜其亭曰賃春攜家隱鹿門。主情深似海，三

歎卻離尊。

溽暑愁霖際，封軺晝夜馳。壤垣無可館，唾井亦須危。馬

首多鄉夢，烏巢感故枝。何時酩酊醉，重造習家池。

所見

土阜相望五里餘，劇驂午午樹疏疏。羸綱月壓柔紈篋，

帆布風隨大木車。井幕有人喧甕盎，戍樓無卒裹蘧條。

可憐茅舍明才啓，已有村童朗誦書。

合肥城外別家三弟惠浦

金斗城邊路，先人有舊蹊。先大夫少時依合肥令張蓀圃先生讀書縣衙聯牀

非意料，騎馬又分攜。恩戴三山重，文愁五色迷。歸途

傾菊酒，重聽汝南雞。

正不

皇詩部遺集 卷三 三 皇喜齋

有饋生鷺者積至五不忍殺撤棘後送海幢寺養  
之作詩媵其行

舒鴈腴於食稻鳧庖丁厲刃正相呼定知不殺非無謂  
留與人間逐短狐

聞道禪關闢大千浩然生氣貫南天依稀曇磻村邊路  
一盃清齋五夢圓

雲飛水宿恣長鳴豈料來支鎖院更此去聽經還聽講  
好脩來世作書生

石華勉士兩學博拏紫洞艇追送於海珠寺畔設  
飲談至三更許乃別

海珠石上攤星飯愛此南溟未易才一見渾如舊相識

二年前已夢飛來予主席鍾山忽一夕夢游海珠寺文章遇悟頻看劍

翰墨緣深數舉杯良夜三更風露白尙疑身在越王臺

謂前此看月之舉

### 姊妹花

順德縣女子往往不嫁聯三五姊妹行樂自如

雖髮白猶處子也

姊桃根妹桃葉東里西鄰采香妾聯成一氣同心花三

十四十無夫家不徹環瑱亦不嫁鳩媒造請必遭罵每

當秋月春花天踏歌聯臂來闐闐拾翠嬌慵大隄上彈

棋放誕雲屏前。陌郎相戒不敢顧。恐受指爪空中鞭。翻  
嘲陌郎馬如狗。閉置車中作新婦。參軍鍾氏詎能遇。道  
蘊王郎隨地有。君不見六女竈下養。三妹青溪姑。五家  
合隊如貫珠。一雙擁背同瓠壺。修到果州寒女謝。自有  
雲中鸞鳳逐。

舟過泰和喜晤攝令張南山同年邀登快閣歸飲  
於衙齋別後得詩四首奉寄

十年睽張侯。一笑登快閣。渾忘別甚速。且述相見樂。出  
處憂患際。耿不廢著作。必逢斲聖質。急告不待索。長筵  
爛漫興。良夜深淺酌。莊語間諧語。思之恍如昨。續歡在

今日今日日。又落下。有東逝水上。有西飛鶴

海南五色羽。縛為君子筆。如何署紙尾。祇合畫雲日。不

讀城旦書。焉知堯舜術。君相識其循。楚澇撫忘逸。君任黃梅

時辦水災 極妥善 小試步文節。江月照萬室。快閣六百載。魚鳥

又聳耶。卻顧名山藏。著書比於櫛。高賢羅滿堂。夢寐拜

甲乙君輯國朝詩人徵 略先成六十卷

長年狎驚濤。厥舵不在手。却使制奔馬。馬亦馴不走。才

高百適用。慎勿掣其肘。用小不若大。用新不若久。赫赫

未一舉。斷斷已衆口。毋被宵小測。必照罔兩醜。干譽定

無譽。含垢實濯垢。古大有為者。做屣視印紐。

初筵劇快意。談論出肺腑。肝燭至促。客行沙水舟漫漫。一夕償十年。求友亦大難。狷性尠心計。勢交多面歡。況乃道藝契。植根天地寬。神劍飛合時。重取焦琴彈。  
機女  
天孫親付九張機。手爪纖纖任意爲。左顧鴛鴦裁錦捷。南飛孔雀織縑遲。當窗恒斂千金笑。掩卷羞看十索詞。何事樓頭聞太息。昨宵弦管嫁妖姬。

市娥

彈箏踞屣上高堂。墮馬鳴蟬門異妝。水畔洛神留后羿。圖中天姆教羲皇。媚人嶺表收奇藥。獻客江南解玉璫。卻笑西鄰蓬鬢女。五更寒月照流黃。

過桐城憶羅子銘詩以代柬

憶我天真友。披猖老未休。有書娛寢饋。無路取公侯。性厚肺肝熱。言迂枝葉稠。鹽車嗟力瘁。猶爲百贖留。

衛虎顏如璧。袁羊氣似虹。阿漣年少日。醇酒婦人中。博雅恒驚座。疏狂慣惱公。邇來消滅盡。久旅一鐙風。

九日登高會。三年一瞬過。

君前年訪我於鍾山書院時值重九登翠微亭一敘舊

琴幾欲尅。新劍喜重磨。鹿起遭逢易。

桐城爲往來孔道君在樅陽距桐城

不鳩茲問訊。譌時君往蕪湖鯉魚才網得。珍重寄江波。

南海求珠去。曹騰昧夜光。旅愁痞且疥。予去時病痞故歸途病疥

態醒而狂。朗月懷元度。闌風感孝章。何年更何地。重話打毬場。

重陰

沈陰不散地埋憂。冷雨三旬苦未休。幸不侵陵農事晚。已難消受旅人愁。蘆花溼處哀鴻泣。蕉炬炎時凍雀投。却詫北風如虎怒。盡吹清淚落南州。

夜聞鬼車啼有感一友

天畔笙簧旋其聲。清且圓。方士聞之喜欲顛。云有仙樂迎吾前。九首復九尾。厥狀怪且詭。兒童聞之振犬耳。云有黑祥將降矣。徵諸古童謠。鶻兮更鴟兮。久雨必西驚。

久晴必東栖。載鬼盈一車。其說無所稽。徒以八音繁。會十脰。奇耳目之內。紛見疑。如何尙作摩雲嬉。勸爾潛形伏海島。無使吐哺相公對妖鳥。

木冰

乾雪不封條。溼雪常裹樹。冰松散作千林花。寒氣蒸成百里霧。日出團團雞子黃。重雲渲染素月光。遠人遠馬一瞥過。如夢如影空中颺。吁嗟乎三旬冷雨茆檐凍。薪米都無腹空洞。憑仗來年覆飯甕。

過臨淮關喜晤鳳陽令廖君達

名大聞

我獻鳩車始君登虎榜。初

君爲先大夫王子科典試所取士時余方八歲卅年

慳把晤一見重脚踏俊鶻盤拏健文珠表裏虛循聲符  
衛颯英斷奪裴諤尙困仇香棘誰題仲舉輿老成多策  
畫清望謝吹噓使者歡傾蓋高明笑執祛燭筵紅爛漫  
雪徑白開除民瘼如飢已雄談實啟子恭聞九折臂勝  
讀十年書逃矣師生際傷哉父母且後堂彭子佩高業  
魯君魚感舊烏烏笛懷歸得得驢求珠曾嶺海弭節又  
淮徐積潦前乘輶荒流此杖挈六月過此大水頃水更大須乘舟由淮入涑口  
情深盟古井別速指遠廬黃海思招隱桐鄉已卜居君  
惠政於桐城因卜居焉歸耕吾願果相約帶經鋤

定遠道中遇雪

木落淮南雪已來平原一尺豆稽灰混茫雲欲排山至  
料峭風能勒馬回莫歎茆檐薪似桂且看金井麩如堆  
征衣溼盡渾難理自擁寒鑪啖芋魁

過舒城喜晤曾望川同年爲題尋春小照

雪中羸騎暑中鞭孤負尋春爛漫天誰似能詩曾子固

眠花躡柳十餘年

望川歸田已久

七旬風骨尙清翹燕玉周妻兩寂寥自是人間仙鶴下  
不知世有阿龍超

老圃秋容擁軸邁一尊相對快如何往來數數吾能事  
只恐王良負友多

淮漲

淮肥交漲澤陂連一碧混茫直到天。翦翦鷺行風外絮。  
團團雅點樹頭煙。梁稽噩立魚鰕聚。柳頂平髡荇藻纏。  
莫詫天寒波不縮。洪湖近欲塞爲田。

河決

決於人也有陳端者瀕河田冀成上腴夜集千人舉而河遂決

有人夜半決金隄。坐使黃流改舊谿。河伯已眠驚欲死。  
愚公此舉太無稽。誰能糾合千夫舌。只爲膏腴六斗泥。  
壞我濯龍淵欲盡。長淮東注溢而西。

淮漲

君不見浮山作堰遏淮水。鑿鐵欲錮蛟龍門。一朝浪破

上下格東數百里雷霆奔。胎簪之水性慄悍。其力能刷  
金河渾。重防疊障苦束縛。有若熊虎羈其蹠。誰歟口腹  
能吐吞。龜山下有洪湖屯。近因轉漕用。屛灌。漚黃舊路  
幾無存。宜其高堰歲欲潰。億萬命懸消長痕。泥沙日塞  
湖日窄。偏仄已到鯢桓潘。今秋黃決入湖去。河伯欲與  
支祁言。上游潦積等溟渤。以舟闖入蘆花藩。窮一晝夜  
甫達岸。云此卑淺無足論。中流卻顧渺瀰處。翦翦尙露  
黃梁根。老漁遠近布罝網。農父逃竄攜兒孫。側聞激流  
埽濁昏。昔何如。蓋今如益。轉禍爲福。悉天幸。聖德廣  
覆流仁恩。重臣新奏治河策。星使落繹窮根源。竚看黃

和作良道集卷三  
順淮亦順水歸其壑稼被原蟻蛛可佩魚可殮不須春  
漲愁昆侖

海鵠

海鵠排雲矯不羣其聲一一上清聞常嗟隨陸不能武  
莫效王揚空屬文醉後短衣堪射虎時來羽扇亦揮軍  
清談隊裏排矛戟鐵馬叢中說典墳

北沙河

寒山碧於雲朵朵落平地清流帶沙渚冰雪結其裔馬  
蹄波離風人影鏡面字稍稍涉坡陀悠悠緩征轡忽見  
西歸雅萬墨溼空翠枯柳抱村紅中有夕照醉

所見

奇肱之車渥洼馬羽林孤兒飲飛者黃塵合處夕陽下  
一隊鷹鷂落平野弓如霹靂刀如風舉刀一劃百里紅  
草閒孤兔那足射欲斬六鼈滄海東澹臺古冶能屠龍  
壯夫豈畏波濤洶勸君痛飲荔支酒睡過重洋莫回首  
旅壁有題曰秋蝶夢春花惜詩未佳作此和之

依舊好樓臺繁紅寂不開舞衣休再著團扇苦相猜花  
月三生忤風霜兩翼摧昨宵曾夢見歌管送春來

何堪

泔水仍飢已不支何堪風鶴益危疑盲來差幸駒生犢



嘯罷深憐馬踐葵，荆棘旅生何術翦。珠犀夜饋有天知，  
听听多狗昏昏獵。絕倒支離攘臂時。

民三志神風解雨... 壯夫... 古... 亦... 合...

程侍郎遺集初編卷四

粵東雜感九首

嶺海中間起奧都，水深山峭土豐腴。萬花界斷空明鏡，

百寶鎔成造化醴。常隱諸星懸戶牖，嶺南近南極，南極高故常隱，圈星可見。

飛行十日抵津沽，謂海船往來之速。從來饒有衣冠氣，配得

繁雄楚蜀吳

一從陸賈侈歸裘，卷握都夸世富強。有客媚川歌得寶，

偽劉置媚川都為採珠也。何人臨浦復沈香。海邊鍊颺時掀屋，林外

金蠶夜吐光。更有瘴雲渾似瘡，能教俄頃變炎涼。自陸大夫

後入粵東者皆以寶區視之，故天時人事日變日非。

家藏洋鍊鑄精兵耳熟春雷動地聲傾里交鋒官走避  
借軀償學鬼光明盜來清晝商幾斷白日行劫劫到高年夢  
亦驚劫質人古有帶牛成美政今無乳虎立威名

豐趺凝雪錦鞵圓盛鬢垂髻翠鳳偏素女圖開花蹀躞

念奴歌起玉纏絲謂木魚歌驚波不撼鴛鴦舫謂沙面斜照

尤明孔雀船昔之六蓬船有緝孔雀毛作蓬者豈有芳尊藏醜毒果然

華屋豔神仙

外藩吉利最雄猜坐臥高樓互市開有盡兼金傾海去

無端奇貨挾山來五都水旱多逋券近來吳楚水災洋貨滯銷羣賈

雍容內乏財祇合年年茶藥馥換伊一一米船回以茶葉大

黃專換洋米不取奇貨計之上者也

天生靈草阿芙蓉要與饗飡競大功豪士萬金銷夜片

乞兒九死醉春風粵鴉煙遍地雖乞兒亦啖之香飛海舶關津裕力

走天涯貨貝通抵得曹騰兵燹劫半收猿鶴半沙蟲

一酌貪泉百惑生縱然才智了無成外夷只識珠犀貴

廉吏須磨斧鉞行不解鳥言空聽訟未窮蠻狀漫談兵

須知仁獸當關臥多少豺狼總禁聲

經生詞客兩無儔學力天才老未休直以淵源窮馬鄭

卽論文藻亦曹劉尙書履去弦歌在阮宮保開學海堂至今學者宗之

學士甄積俎豆脩惠牛農翁覃想見人心醇懿處必逢

十年後大波  
已被燭照

賢吏苦遮留

粵東吏治民風稍瀟惟士氣文風較前日進

新橙甘比張儀舌。香荔腴于合德肌。天與芳馨都是福。

我來遼闊不同時。越王臺上雄看月。帝子峯頭靜賦詩。

清遠

莫笑籠中無長物。文章分得鳳皇儀。

時歸裝帶有羅浮蝶繭數

十枚

展重九日吳石華曾勉士兩學博招子遊白雲山

飲於蒲礪之雲泉山莊時陳範川李繡子兩山

長山莊主人段初秋年友儀墨農暨學海堂諸

先輩咸集焉吾友王雷州為繪蒲礪雅集圖爰

繫以詩寄呈吳曾兩學博並諸君子同作

長篇殊乏  
勁氣

蒲礪之水何潺潺。虛堂壓林俯竹竿。禽言人語互相答。

祇有魚夢殊艱難。左方連移最幽絕。雲影倒地生波瀾。

書畫奕棋琴瑟彈。孰居無事常致歡。我友吳曾兩學博。

招我郭外尋秋山。云此墨農讀書處。

儀墨農讀書蒲礪數年

主人

自闢詩天寬。

主人段初秋開詩社於此

酒龍筆虎紛盤盤。壺輪一巡

皆脫冠兩詞垣長肅圭瓚。

範川繡子兩先生皆館前輩

五先輩者森

琅玕。

梁孟侯譚居五君皆海學堂高足也

吳喜雄談會喜默。曾如香象吳

青鸞。惟子不飲亦狂簡。醉鄉况味清而安。粵東風高不

可攀。學希馬鄭文揚班。思深力厚取舍正。盡采蓀蕙遺

榛菅。問誰闢此眾門徑。有大菩薩臨華壇。

謂阮官保太夫子迄

今學海堂上客各秉絕詣窮其端我求明珠向南海離

朱喫詬驚愚頑崑崙第一未即得羊鬚首捋綠希慳子久

慕曾勉士名冀此番收作榜首而勉士適持服不應試有友慰子子破顏一網難

盡十丈珊就中瑰瑋已不少木則棟梁珍則璣石華之言如此

再傳弟子守師法息息總與師相關子為阮官保再傳弟子務教

古學不淪墜縱有遺賢心則殫六先輩者神高聞不將

冬烘嘲禮官已試未試悉懋置亡弓得弓俱達觀我失

李程屈方叔未免當食停加餐天平何為疾疾我使我

不耐秋宵闌子奉使行至贛州大病凡十餘日至羊城乃漸愈衡校時已大愈然坐至二鼓必昏

睡故心與力多未相副也要當真力彌滿際或可剖石搜芳蘭吳君

嗚噓會君歎平聲復登小閣聆風湍大聲驟雨雜琴筑細

響天飈鳴珮環酒餘茶後臥清簟迴入僊境非人寰北

平題句廣陵飯合與坡老同盤桓覃溪先生有題句阮宮保督粵時常在此

小憩我乘筍將上嶺岵高窺龍湫下鷺灘白雲庵頭樹裏

屋鶴舒臺畔霞為欄平生有志泛滄海一望才到扶胥

灣深嗟目力有限蔽何日看盡東瀾漫屐齒瑣瑣林攢

攢夕陽金翠催子還酒星一散不可聚欲乞寫圖楊契

丹諸君有作定超勝顧我先畫穿錐干再來之約指白

水菖蒲增節花爛斑

大庾嶺

天南一角多梅花，梅花以外天之涯。昔人崎嶇踏雲霞，

今人傳車從玉駟。誰其鑿此張子壽，誰欲塞此丞相嘉。

樓船將軍破其瑕，橫浦一入無留遮。橫浦關在庾嶺上，張丞相未開之前。

此路逕便向尋陔收輜車，伏波乃走桂陽嶠。伏波由郴州黃岑嶺入。

其餘遠泛西江槎。下灘水下梓柯，江今西江路也。橫浦逕隘蟠脩蛇，嘉

不能守覆厥家。子壽披叢闢磴道，意令風氣通中華。二

蔡豨石平谿，宋時蔡挺蔡抗兄弟豨之以石。遂使醉步無傾斜。自茲

險失文則賒，南枝吐芳北枝芽。風日晴美停馬撾，旅人

羈官忘路遐。我來深秋見兩葩，喜與紅葉相交加。姮娥

障邀一看月，霹靂泉畔頻煎茶。要當花天臥香雪，此福

輸與山樵誇。吁嗟乎梅花以外非天涯，越裳雞聲如打

衙。屈翁山云：厓州每南風順，聞占城雞聲如洪鐘，自海外悠揚而至。

清遠峽詩

自山足登飛泉亭

萬樹裹江水，江水影萬樹。一碧混天地，白界一沙路。帆

積寺門隱，徑轉飛閣互。玉聲琅琅然，秋瀑疊輕霧。僧言

凍雨後，雷轟海傾注。欲吸人影去，行者屢回顧。樵荅與

梵語多，為泉所悞。晴久自斂抑，蹇蹇出深錮。小亭坐巖

竇，當夏亦寒沍。我欲窮其源，雲滑不可赴。

自飛泉亭登飛來寺

舒州無此奇。帝子忽不樂。螺旋鑿紺綠。隼背起樓閣。對面畫屏風。濃翠繞帆脚。其下湏湏水。羅縠風婉約。清晝斷人跡。夜半有笙鶴。我盤絕磴上。層折剝蓮萼。舉頭失天宇。若被竹樹橐。揮手擲木葉。誤中高飛鵲。三休乃至頂。一顧耿相愕。竊恐南禺峯。復飛入寥廓。

道光壬辰閏秋予使粵東旋道出英德小琴詞兄

官於斯例當送予出境因題此卷時在滇江舟

中

蕭然林下脫塵羈。各有名山各主持。記取豐干饒舌語。分明寒拾兩禪師。

人間之屋宋井古。天上之躔岷絡長。敷歷一生歸去也。在山泉水依然香。

大雪望嶧山湖

清絕一湖水。雪來改其色。四面白皚皚。但覺波影黑。平極一湖水。雪來使之高。琉璃突中心。不關風起濤。一繩南雁拍波急。驚起老魚沙上立。片帆渺渺何處投。已裹煙雲萬重溼。

潮水道中

刻露寒山雪後鋪。冷煙晴翠罩平蕪。冰花散作千林玉。旱浪搖成十頃湖。用世豈徒泝澣紱。持身安得繫株拘。

昨宵偶遇影纓客索看腰間玉鹿盧

小梅心驛道中

忽墮畫屏裏馬行何處通一溪當晝雨萬樹已涼風  
久慕龍眠秀今知鹿起雄時平剗關隘休說擣批功

題陳登之廢讀圖

名父之子陳登之虎兒書法斜川詩公侯筵上半虛左  
夕陽醉墨紅淋漓才人讀書不祈熟鎔液菁華滿胸腹  
孤羆坐臥深叢底舉手一揮三百牘阿大中郎半冠蓋  
取青紫如拾艸芥豈知東野困一第遂使元英出三拜  
長安米貴不易居煮字不飽將煮書入貲得郎古相如

一樣綴組懷銀魚司空城旦乃治術安用惠施夸五車  
君不見手判坊州生杜若二十八星笑著作天人科第  
爭帖括南華僻書束高閣何如一行作吏猶抱經筆硯  
藩溷連門庭老胥持牘雁鷺行旁有煜煜觀書螢

熊躡詩謝許溟生

深叢老熊春脂膚兩展其足追豐狐一矢貫白獵者呼  
截所舐掌歸珍厨君從何處獲四扶得非腰挾金僕姑  
誰知換羊別有書虞戈所斫銛於戮

君書似永興此四扶是以書易得者

餽我五枝紛離如枝經肯繁纏大輒族廬皆云臭如帑  
膈之難熟泣宰夫何術揉作龍門酥憶我十載山居初

混淪無良虎豹都山人縛熊如縛豬其毛蓬蓬畏雞雜  
以湯燖雞羽剔除持以沃躡去外麤毳脫肉出成瓠壺  
皎然肥妍如瑩趺宜著綠屨黃金絢割雞與躡同一鑄  
躡則雪絮雞紅鑪我呼廚孃踞竈觚依法淪之姑徐徐  
日午香發逮日晡四鄰嗷嗷走韓盧惜哉遠來風戾枯  
毛已伐盡髓欲無寥寥數鬻鼎面鋪不分申脰與曲胸  
但覺湯味醇而腴急謀山妻酒滿沽老饕一飽據槁梧  
手足躡捷筋骸舒我聞館熊不畏貙乃與蟲螫同昭蘇  
雞制百蟲如制帑土受木尅良非誣譬彼小狷伏於菟  
人氣實能粉犀株此珍來自醫無間不脛而走玉與珠

土垠肉芝遜其殊吾于木瓜見苞苴良朋厚贈雖馬車  
豈若彈鋏忘其魚胸膈有法我則疏請君更訪鼓刀屠

題勵太守同勳七世讀書堂圖

雜誦聞諸副墨其人寫定斯堂但識夢中周孔不知世  
上金張

屋角江流如畫讀書垂二百年樹葉皆成文字蝨魚也  
食神仙

華望由于世德循良故是通儒明月一珠還浦春風萬  
蝶隨車

舍後池莞蒲塞之見蕪不見水也拔之盡三日水



復澂曠誌以詩

積垢掩皎鏡。掩與皎相敵。鬱雲壅明月。壅乃明所惕。湛  
湛一沼水。莽莽眾穢穢。漣瀾日以隘。星斗失其爍。魚夢  
東西隔。蠅語高下逃。秋窮葉易聚。春泮冰緩析。自非一  
旦塞。何乃十稔厯。我來昧虛照。喚力急鋤剔。承踵若竹  
筏。飲刃似草壁。平剗捲敗席。深引拔銛鑷。豈惟去蒲稗。  
兼欲植密蕝。陳根倏已掃。細穀靜且皙。是日好風至。摩  
刮光搖錫。其暝殘照入。渲染采蟠霓。招友共垂釣。戒婢  
勿泝澣。奴云闊宜泛。稚謂潔可泚。嗟哉千頃波。漫等汎  
濫滴。今茲鑿毛髮。昔也溷沙礫。撥雲與濯垢。真宰在空  
寂。還其盪滌性。焉用再盪滌。

偕溟生侍講遊萬壽玉泉諸山口占八絕

長楊五柞斷還連。中有明湖鏡樣圓。怪底綠波浮淺絳。  
樓臺影壓蔚藍天。

澄流十二水聲寬。宛轉銅溝出上闌。和入春風清欲絕。  
玉笙微暝磬微寒。

罨畫屏開黃鳥坐。琉璃風起紫鱗飛。日移塔轉金鈴語。  
時見僊雲落翠微。

輦道清陰俯綠莎。鷺羣接翅慣飛來。香風百和熏人醉。  
知有官花萬樹開。

剪剪松陰楚楚山九霞如繡水如環五湖縱有花深處  
不在千門萬戶間

稷稻平疇渾似畫魚蝦小市自成闔佩瑱澣女臨流坐

草長鶯飛又一春

同遊龍井斂煙霞

洞名

也飲清風雨掖茶

記與滇生兄同遊西湖勝處瀾

茗清談如目前事

一事輸君詩句好五雲扶出玉蘭花

滇生入直後曾

賜遊芳碧叢咏

玉蘭詩稱旨

隔牆欲喚孔賓騰其奈春眠倦不勝記否春容天語後

平揮紅日下楓棧

春浦兄曾在玉泉山召對

厲宗伯競渡圖為滇生同直題

中唐太液新波起畫鷁凌龍簇金紫千謳齊發萬槳飛

劃破玻璃半湖水

聖人端坐靈芝臺沐日浴月雲霞

隈水馬爭銜九標至海鰲高擁三山來是時紅日正當

午剛卯蠱鍾紛挂戶侍臣獻罷尙書篇

詔聽鳴葭一

聲鼓汝南詞客眼福奇五雲深處窮攀追苜蒲酒綠僊

樂盛拜舞歸來懷玉卮嗟予亦逐豹尾後適持英蕩黔

南走水嬉過錦未親見剩有輕羅拜

恩久婆娑樂神

年復年漆塗船底能爭先

聖人一笑罷其戲波臣川

后皆恬然堯舜千鍾孔百斗大禹何妨覆旨酒禁中炎

戲斷振童閩海紅塵辭尊首側聞吳越錦繡都亦屏散

樂捐華襦但教五綵縛苦棟奚事百劇緣飛鳧此圖細  
寫天中樂士女如雲柳如幕紅芙蓉缺處水天寬想見黃  
龍門青雀

題陳迺錫先生手藁應陳堯農吉士屬

明詩掃地鍾譚出誰挽積風說建安卻愛閉門陳正字  
清如郊島泐如韓

招降功竟謝征鼙自檢新篇續舊題筆陣不隨荆棘沒  
過江猶見索征西

朝衣已換洪甯九記室空嗟史道鄰一卷谷音留閒氣

湖湘耆舊宋遺民

李子建爲史忠正公記室卽葬忠  
正衣冠者其出處與陳君畧同

題吳梅梁京兆傳硯圖

帝選大京兆於此通德門循良太守雜誦孫墨花三世  
香溫磨果下含飴膝上喜手把毛錐畫池水廉吏無田  
只耕石呼出公才親付此京兆詞賦傾班揚爭看落筆  
中書堂京兆直聲震朝野多少行行避驄馬作文草疏  
都如風敷歷中外通昭融問渠造詣何猛進只在青鐵  
磨穿功况傳治譜青箱中河南第一推吳公方當據案  
埽庭訟豈意灑翰來詩筒

用錢勰尹  
開封事

君不見鄧家硯外

孫得晏家硯女婿拭何如范喬流涕受寫名臣心模祖

德

模德寫心見  
梁武硯銘

章臺走馬緩緩歸自汲清泉滌殘墨

題潘星齋公子蓮塘消夏圖

錦心玉兒公子水珮風裳麗娥應有酬花好句吟香飛  
上銀河

紈扇明時月上玉蘭憑處秋高邂逅采蓮人過須防果  
浣宮袍

霧夕何郎得意初陽謝客論文卉六鴛鴦驚起都緣詩  
響凌雲

臨頓園林可愛鳳池毛羽多聲定向柳陰續夢手磨人  
鏡澄明

詠史一律

招寸相

廿八華星笑未休如何杜若出坊州人誇林甫真仙骨  
客道何郎是鬼幽汲汲成狂幾司馬羅羅相附五諸侯  
納涼總愛冰山好只恐陽鳥在上頭

秋感一首

連夕風兼雨烏烏畫角哀橫餽收暑去辛苦送秋來鎖  
院三條燭軍門百道雷捷書期早晚天笑五雲開

贈史荔園中丞

倪寬帶經鋤地東坡識字耕田怪底三秦父老望公如  
望神僊

處處杏花菖葉行行清眇冷風斥鹵都生梁稻無人不

頌史公

河內方思借寇黔中又盼來廉公到梯田問俗請看椽  
蠶織織

題李石梧梧笙吟館圖

綠窗湘管珊瑚架縱不吟詩亦可人何況新篇雙跳出  
萬花飛繞鳳凰身

昔日江干挽鹿車而今黻佩住東華從知白蠟傳觀遍  
無限魚軒拜大家

一字師前互推許萬書叢裏共賡酬好憑翰墨和鳴館  
壓倒簫鸞寫韻樓

追題心餘先生攜二子遊廬山圖

公是詩流有數人談忠說孝出天真伊誰能賦廬山峻  
歐陽有廬山高詩只有蘇齋動鬼神

一門仙骨拜君家季孟元卿隸少霞卻笑雍通黎粟後  
但能昇得竹萌車

題小紅雪樓圖

老梅清勁小梅溫付與能詩雜誦孫試看長安諸甲第  
榜門多少奉誠園

瘴鄉如瘴困浮家何似藏園水木華飽卽讀書饑煮字  
醉來飲水嚼梅花

藤花蒸食一首奉春浦光祿

采采供朝食。瓏瓏摘晚花。淘將金井麩。蒸出赤城霞。芹

獻深慙薄。蘭羞一笑誇。

時以此食獻太夫人

不知新雨後。

宮膳

可曾加。

初夏激懷園卽事

送綠千章合。浮花一水回。鶯從長信轉。鹿自定昆來。問  
字留僊侶。聽詩拜上才。籬門蕭寂甚。卻傍五雲開。

喜雨

聖主咨嗟上帝聞。龍星催雨下層雲。滋培焦土高低徧。  
泮散灾黎億萬羣。南畝歡聲三輔合。西山霽色九霞分。

生成一例無甘苦。試看籬邊眾草薰。

題曹傅相師三老圖

辛丑科三元榜。太傅相公天下仰。勛崇德大錫殊禮。名  
位遠駕百僚上。班中忽聞輩行呼。得非保相德水盧。佳  
時吉日興莫孤。曷偕曾點歌風乎。南城種花蠶旌節。詩  
清文綺出冰雪。每從二相索賡和。如杜王岑鬥奇傑。我  
師視學河南時。正值德水瓜代期。樞垣綸閣互先後。一  
雙鳳皇栖一枝。我師持筴度嶺嶠。其後亦駐南城蠶歲  
寒。老友墨緣古送客。虎溪成一笑。我師最長精力最有  
餘。佐機理事恢恢如。德水神慧性强記。師乃倒誦銀瓶

和作詩集 卷四  
書南城服師詞翰妙。洪鑪一鼓出萬竅。軍書旁午日就  
映。搖筆尚答球鍾調。偉矣哉文潞公富韓公。孰肩隨之  
君。貺從勳階福壽總第一。琴瑟杖履皆春風。回思綠衣  
少年日。玉貌照人如玉筆。五十年來一彈指。耿耿三星  
聚奎壁。夏推辛丑己前己亥年。三神山上三神僊。吾親  
亦結金石契。令我展卷心茫然。山公在上等北斗。願師  
長進耆英酒。

近光樓消夏第一集步邴春浦閣部韻并柬田季  
高四兄

樓上月缺復圓樓上人耿自憐風蕩露蓋清且妍摩出

表裏琉璃天杜田先生玉堂僊曉窗著書午窗眠文字  
之飲不獨酌憑闌呼友賞澄廓十年聚散紛在眼此夕

此杯無此樂雲龍上下會有期難得破暑浮瓜時玉匣

爭誇藥特健

是日賞宋拓十七帖及寶晉齋帖

宮袍合鼓簫參差

田四兄曉

音律就中浴鳧何太喜昨夜新添半篙水就中噪蟬何太  
急昔日柳陰今若此

季高四兄以試翰詹舉首超升學士尋放奉天學

政文人榮遇所罕見也賦詩送其行

幾年謁帝承明廬幾年手把種樹書幾年洵涕伏堊  
室一日作賦凌空虛九重嗟賞動丹筆天下傳誦奔

鈔胥遼陽 帝鄉萃華裾誰其導之成碩儒為師為政  
 本一貫合用文黨兼相如西風冷然催使車高吟直過  
 醫巫間隼怒博古北肅慎弓衣繡字東扶餘大海蕩蕩  
 賢愉愉歛幽作岐鳴鳥呼 文武在上俗忠厚春陵佳  
 氣無時無君率其徒帶經鋤筮簧百家耽道腴儻喜博  
 觀拓眼界則有羣玉瑯嬛居儻喜射生戰禽獸則有鷺  
 翎金僕姑居就美糧梁水魚以供名流櫻筍廚不知登  
 高眺返照可憶消夏僊人壺 謂近光樓 紅蕖翠蓋遮不住月  
 躍波底如明珠軒窗快與五雲接風露卻共良宵徂棋  
 枰未冷香未渝易忽東矣田生俱聽雞騎馬十年事君

去我來三逕蕪

予與君同直十年而共事甚少去來若相避焉

我思行腳徧寰

宇未軼碣石窺元菟

予足跡半天下而未至關東

幼安根矩相對語

是為許君祁大夫

春浦溟生兩先生俱以扈從至盛京

即今柳老荷盡

枯送君壺輜酒滿沾祝君學業比韓范豈知文采追嚴  
 徐將軍侍郎半詞館濡筆合繪登瀛圖便當自署鈞鼇  
 客一網收盡青珊瑚

喜雨

穀雨未聞雷田田麥甫栽 帝咨參佛去龍喜捧雲來  
 得酒千花醉逢春萬病回滂沱一晝夜池漲柳毵毵

贈徐樛亭大令



一部神泉貫斗台

趙長君著詩細歷神泉虞仲翔謂其窮陰陽之奧秘

免中詩境

豁然開

徐氏為詩學者有免中徐公傳魯詩徐敖傳毛詩徐整箸毛詩譜徐邈箸毛詩音徐廣箸毛詩

音隱義徐爰箸毛詩音其書與說俱佚至先生則集四家之大成

鳴和豈特高岑調生

五七言

網佚真同馬鄭才王屋山頭頻弭蓋天都峯頂

鎮銜盃

九重方獎循良吏看取儒門大厦材

題郭大理畫蘭竹卷應吳大京兆屬

蘭竹書魂魄中藏草隸精妙香無定相斜雨有奇聲作  
者郭忠恕珍之吳季英石交胡可得掩卷不勝情

題畫

董源下筆傾前哲汪罕工樨絕有神劇愛孤山兩兒子

萬花如雪舞初春

南齋老輩紛題句臨者無端列上方想見縑緗裁割際

昂頭高士亦傍隍

上方題詠俱是臨本然已為人截去

阮宮保節相以玉印泥盒并大理石畫屏遠賜感

謝成二章

采玉鍾山隈孚勝理且勝琢器成大圓區蓋掩而正琅  
琅四環響切切兩規併用以函芝泥温潤出華靚月彩  
拖霞液其氣自胚孕能助金印芒著楮倍明瑩朝陪姬  
公讀夕對謝傳詠如何賁陋宇重寶來不脛繩窮匣既  
解傳看爭揣稱一日三摩挲每捧必端定雨窗無纖埃

渠几照文粲。瓌然美華帶。仰見君子性。呂刀無此珍。郭  
筆不能競。心印儻在斯。笑拊拜嘉贈。物巧不自知。大匠器  
使之。心影以類形。何異造化爲。摹擬與雅似。詞客忘其師。  
一經指撫出。宗派岐中岐。異哉石文章。有米有黃倪。氣韻極  
渾古。皴染殊淋漓。蒼山洱海色。粲然明鏡披。亦有吳越峯。  
淺騰浮脩眉。一經指撫出。小品都瑰奇。言石石點頭。願爲龍  
門基。

灘上載書圖

累世襲蟬冕。家無儋石寄。廉吏生孝子。孝子亦廉吏。雙  
親老壽去。欲卜爽塏地。藉非仁者粟。奚以庀祭器。粗衰

作書賈。一棹走都肆。上瀨與下瀨。罔極萬行淚。但見虹  
貫月。便識先生至。負土竟成家。羅列松栢翠。葬錢取書  
值。清絕古無二。豈乏賻賵貲。盡卻不爲利。至今東平雲。  
盎然詩書氣。豐碑不生金。但長苔蘚字。

謁明鞏駙馬墓作

在今永定門外里許

傳言鞏侯葬。近在南郭外。華表兩僵仆。虎馬兀相對。夜  
深翁仲語。聽者一古檜。人憫忠節魂。樵牧戒侵害。粉侯  
英雄器。詩禮雜劍佩。巍峩鳳皇樓。婉孌皇八妹。胸有經  
史腴。大義述一再。追尊建文謚。力挾趙督敗。其言雖未  
用。其舌今宛在。危乎甲申變。勳戚半馳背。貴主已前逝。

當是公主墳未及  
營葬遂遭國難

佳似未盡

子女計五輩。縛子女。柩側從容理黃帶。自拔干將鋒。一  
 劃玉頸碎。杜門縱烈焰。生死結大塊。貞風揚其灰。巧與  
 官火會。故應無仙蛻。藏在石郭內。此葬竟誰屬。無乃衣  
 冠代。惜哉碑字剝。似受斧斤疥。史藁與志異。吾欲攻諸  
 稗。前者梅榮定。文武見梗概。同時萬太傅。率子犯賊械。  
 與侯相輝映。侯氣益偉邁。我遊柏冬日。肅肅下馬拜。偶  
 及笄橋事。吾友發深慨。同遊者梅伯言郎中與榮定同族歸展侯大書。  
 素壁倒金薤。今年正月初得侯書楹帖於厥肆其文云畫  
 眉客夢花生筆詠絮人歸月滿樓可想見  
其風調也

題郭蘭石大理詩冊

醉來搖筆醒來驚。腕力心光結撰成。書自顏行出蒼秀。  
 詩從杜律得縱橫。禁中方獎元才子。天上偏呼石曼卿。  
 畢竟前賢無此遇。九遷三召問蒼生。  
 廿載郎當笑郭郎。詩天月地恣飛揚。東夷挾寶求珍翰。  
 西蜀焚香拜講堂。四海墨花霑几席。九河情淚灑篇章。  
 何人為訂名山業。此冊應同瓠本藏。

題鮑馨山母謝太君課子圖

姊把金針弟簡編。九秋風雨徧鐙前。須知節母心多苦。  
 一似蘭膏徹夜煎。  
 漸看頭角玉堂僊。又說文章萬選錢。兒日有聞親日喜。

最難增益是親年

韋家紗幔匆匆撤鮑氏花驄步步工五色絲言風木裏

一篇瀧表淚痕中

我亦孤悒賴母憐折蓼畫荻度霜天而今賸有牽衣夢

哭倒青山又七年

兩次過碧落洞皆未果遊作此追錄壬辰粵東作

碧瀾寸寸皆秋色慕此羽容非一年周說到難蘇說易

我今真賦到難篇

感舊三首

畢子廉 鐔

火色重瞳大呂聲行文亦麗亦縱橫詩心直接陳芳國

才氣幾同禰正平人說疏狂多異態我憐直諒更深情

遺篇漸逐西風散得一毫芒盡可驚

汪衡齋 萊

鄭鄉以外無餘學守敬而還此後身口誦六經兼注疏

心通九變貫天人靈臺大衍參相訂

以優貢入都與脩天文志

海島

重差一再伸

受河督聘至河工測量

每到清風憶元度秀髭玉頰

最丰神

凌仲子先生

廷堪

論史滔滔傾俗耳窮經娓娓動天心禮經難讀偏能讀

古樂誰尋塊獨尋，鞦韆六朝花十色。秕糠兩宋帚千金，  
一瓢許酌滄江水。記得山堂語夜深。

是事卽事一絕

荷澀雨纖珠疊疊，柳長風軟綫搓搓。窺魚白鷺先藏影，  
避雀蒼蝸屢易柯。

題劉默園觀察乘潮圖

靈胥欲就海若戲，素車白馬橫江來。豈知篷背倚曾閔，  
單身折入銀山堆。海童驚呼御騶球，雙足躡人如踏鷺。  
萊衣拜親親歎絕，攜得江波兩衫袖。忠信錯軀行水中，  
瞿塘忽近緣庾公。孝子跬步無死地，何況高堂禱佛聲。  
隆隆我渡胥江在，秋杪幾被枚乘筆頭掃。歸來談虎詫  
奇變，月白雷青天地曉。

蕉雲二兄以盆桂見餉作此奉謝

誰將月窟閨浮影，送入江南船。趁風贈我兩株猶旖旎，  
環君八樹正玲瓏。潞亭蜂蝶隨香至，寶藏雲泉與夢通。  
聞道公餘親課士，崑山片玉在堂東。

題王覺斯爲宋雨恭續枯蘭復生圖

蘭枯不生蘭自昌，蘭枯復生蘭更芳。東風駐世長不死，  
但有歲月無滄桑。識時務者推文康，首議廟謚尊思皇。  
薦賢薄賦二三策，口講手畫身琅琅。堯仁舜智領其

蓋以貳臣佚之

請浩乎仁氣春飛揚宜其子姓聯冠裳園林艸木爭輝  
光根蓼九地飽雨露華葉一夕回風霜燕山夢醒聞國  
香酒酣磅礴烏衣王縱橫沈著各有態直以艸聖兼詩  
狂丹青果屬右丞相名德仍作中書郎吁嗟乎名德仍  
作中書郎所南子固徒悲傷

送向三賢弟歸里並呈東壁賢弟

家學卿雲麗才名庾鮑新道深虛折已氣靜藹親人風  
雪浸歸袖賓朋繞墊巾鵠原相聚處輒語話艱年  
不索胡奴米須依仲寶蓮舊香猶裊裊瘦鶴愈翩翩萬  
感門材後千秋几研前機雲應入洛看取著先鞭

沁芬叔外舅五十壽

金家香衙門庭貴第五才名少小誇燕賞新篇飛墨雨  
指揮能事落天花杜句云指揮能事回天地唐句云指  
揮如意天花落君時以指揮需次故  
拈此一剗肉已通神理三折肱能採結痕見說隆冬松  
調之  
轉茂南枝郢樹門橫斜

題汪受之處士義烈事應寫園同年屬

弟返餘僊蛻兄歸亦國殤有膚成刻劃其血灑元黃賊  
創避三舍君威藩一鄉至今風雨夜甲馬繞張塘  
奪弟出重圍兄呼弟不知直教魂共語依舊手相持保  
障烏聊接聯翥馬革危文孫青史筆雪涕補遺碑

皇朝詩集卷四  
三  
聖喜齋

程侍郎遺集 卷四  
臺花圖卷為沈聽篁編修題

蔗坡竹嶼兵氛靖賢守排衙對天鏡東風一夕萬花開  
不管人閒醉司命當時除夕綠衣公子裁錦箋惜春御

史催花筵不須翦綵貼奇樹自有頃刻爭神仙萬家爆

竹雷闐闐花光紅徧東南天詩成畫畢流賸馥波瀾直

到雞林前卽今將帥乘雪夜桐鏡到處壺漿迓時臺灣正用兵

已得勝仗合歡釀熟送年光定有秋花壓春架番人以黍熟釀酒合歡為

年

阿文勤五使高麗圖題者徧一時卿相內有德文

恭題一冊煦齋師見之以為家寶遂書一冊易

之師文恭猶子也

文恭詩翰真吉光天敕六丁下取將大阮琴聲小阮識

片紙隻字俱收藏文勤數使西蓋馬欲拚對盧作羣雅

名卿上相盡有詩一卷牛腰走都下文恭題句明珠編

我師讀之喜欲顛急書一冊易其寶神妙直壓王羊前

況師龍節履成鏡玉兒宮袍發高詠乞詩乞札徧東國

後月前潮兩輝映文恭手澤欣弓還我師寶翰增舊觀

誰歟彙作鳳墅帖副墨海外兼名山鳳墅帖乃曾宏父所集多一時名卿

賢相

漸冉

漸冉春如許，輕寒勒不歸。風隨飴笛轉，月傍紙鸞飛。奇  
石無一語，喬松今十圍。九衢燈火夜，衰病夢魂非。

### 春寒

沼雪莽沈沈，林煙又閣陰。勒回春雉口，寒到蟄蟲心。敲  
枕人人靜，焚香牖牖深。輪蹄如水去，容得幾閒吟。

### 統如曲

統如四鼓華堂開，玉簫金管仍分排。殘羹飢座椽燭灰，  
美人強曳羅裾來。欲彈不彈箏柱哀，欲飲不飲玉山頹。  
不敢臨鏡雙徘徊，頰漸全褪紅玫瑰。四座鼾卧聲春雷，  
觀者且舞且却回。明日落花紅作堆。

### 雨後聞鶯

花外雨絲晴，樓西過玉笙。不憑鸚鵡舌，自得鳳皇聲。順  
耳珠珠轉，乘時瑣瑣鳴。儻教桑黹熟，拚使柳枝傾。

### 殘月吟

癸巳四月望後作

黑者古鏡白者鈎，欲墮不墮天西頭。山河影缺桂花小，  
歸妹晞晞目眇眇。衆星的爍各爭光，何況長庚弗如埽。  
埽月月已殘，雞鳴烏噪銀河漉。朱樓采伴拜夜闌，尙祝  
三五明團團。

### 有馴者鹿四章章八句

有馴者鹿，躡艸飲流。其卧衍衍，其行儻儻。風雨如晦，或



見或不意其曷往乃潛灌蕭  
狎人循闥雙髻疑月疾  
呼弗叱如石聿兀何斯妄游豈爲飢渴忽被大創偃仆  
水側 旅麗其性背羣斯慎得食不呼孰甚其假舍安  
就阡孰止其前禍樞昧蹈孰穀其旋 艸生叢叢有來  
其風斐疾入林厥聲蓬蓬囿人乃夢鹿由隍中謂予不  
信往求夙蹤

祁幼章孝廉贈詩盛稱園居之樂卽步元韻奉荅

兼示令兄春浦閣學

宮壺雨露三辰酒扇枕兒郎儲一斗太君堂上會姻戚  
自卯衍衍直到酒紗厨靜愛槐楸合水檻涼看鳧鴈醜

是時仙官初退直西母正憑朱鳥牖園居屢動 九重  
問佛樹何妨三宿久況當新雨生衆綠已見銀塘發紅  
藕母曰毋久溷汝爲汝其勤慎報 恩厚不離跬步阿  
奴在進退渾如左右手君家昆季可謂孝譽滿京華萬  
人口機雲自是文章伯軾轍奚殊直諒友樹頭啞啞返  
哺烏室內嫺嫺乳姑婦新居堂廡極華潔不似藤廳漸  
傾朽我傍山坳縛荻障風雨漂搖聊且苟昔年亦奉板  
輿至彈指斜陽感衰柳西鄰君況我所敬功名屈屐不  
先後君才英特我所拜行見長風萬里走每當朗月憶  
元度俯仰抑讓相人偶爾來瓢棄謝酒徒坐卧禪關一

鐙守太君興發忽來止君定揚眉撫馬首平鋪紅雲蓋  
明鏡鏡中天地君知否不然往喫茅容饌看取盆池集

瓠

君新居  
有小池

謝人惠新會橙

嶺南二果天下奇粵惟新橙鮮荔支荔如好女澡秋月  
雪白花紅沁肌骨橙如名士中粹溫美言悅耳香悅魂  
我坐炎雲倍惆悵荔已曝乾橙未上妙才異地不同時  
夢寐芳馨曾見之風吹削柿敬虛牖漉漉黃苞馥沾手  
冰霜遜冷蜜遜甘腴而不膩清而酣潤回太真三伏暍  
療得相如十年渴何當酒醒帕羅開玉人纖指親拈來

可憐萬里得此果擲向潘懷奚不可神奇腐敗同一車  
大摘小揀青霜餘天家不貴紅塵騎橘叟木奴沿故  
事拚將俊味押綱茶豈無相公忠孝家熊魚並好應嘲  
我尙憶紅雲三百顆

井尚新珠雲三百

井尚新對未明隱憂豈無肝公忠孝案頭魚並我翻騰

天辭小對青霞翁 天容不貴珠璣里翻騰更木奴呼好

謝萬里對此果勝向舊謝矣不可無奇謝想同一車



